

其一 勤勞

物外雖分端的天心未放玲瓏區區陌上走西東也學浮生作
夢 夢寐更勞數載巖龕復度三冬待他消息顯真空放出凌
雲蟠竦

其二 自詠

夜宿磻溪古廟曉登竹徑荒村日中無事餒巡門淡飯求他一
頓 不會深窮造化隨緣且度朝昏是非人我絕談論却返生
前混沌 一性昭彰乍顯二儀混合初融飄飄法界任西東到
處神光覆擁 萬籟寒泉淩頂八方瑞靄騰空怡然獨向九霄
中坐看浮生作夢

道藏輯要

磻溪集

其

又胃集三

其四 暮景

杲日西沈遠隴輕颺南起洪涯飄飄逸興爽情懷吹斷愁思俗
態 漸漸放開心月微微射透靈臺澄澄湛湛絕塵埃瑩徹青
霄物外 日落風生古洞夜深月照寒潭澄澄秋色淨煙嵐獨
弄圓明寶鑑 認得心田要妙咄迴世俗貪婪自欣山谷卧松
巖情願披蘿食淡

訴衷情

九日
後作

紛紛霜葉亂飄颺時令過重陽黃花爛熳依檻猶自吐清香
秋漸老夜彌長道情昌雲菴入定法界游仙不動淒涼
孤城寒角韻悠颺風送入斜陽池塘菡萏無色蘭畹有餘香

秋日短暮天長月華昌空空寂照蕩蕩虛心一片清涼

其二 風景

長安風景古今奇吾道少人知天心地肺時正生殺按樞機
靈物秀玉芝肥射虹霓山頭凝望目下三月壓盡華夷

解寃結贈醮眾

山河已定干戈不起太平時八方知義齋醮頻修盛答報虛空
天地謝洪恩暗中慈惠

千年一遇神仙出世幸遭逢莫生輕易供養精嚴但一歲勝如
一歲遇良辰大家沈醉

其二 自詠

道藏輯要

礪溪集

堯

又胃集三

當初學道憑空鍊已志衝天人間無比放曠山林次後復逍遙
雲水過夷門又臨秦地

飄蓬十載遊程萬里度關津崎嶇迢遞事事請來但悟了般般
總棄只隨緣布裘芒履

其三 覓飯

北方一日南方一日共東西四方交日夢寐沈沈且往來遊行
銷日待他年道心開日

百年短景都來幾日暗推排今朝明日不覺推排到聖賢佳音
來日洞天開是吾歸日

翫丹砂遊歷